



extras

# LE STRADE DI VETRO

Davide Cantarelli

ad est dell'equatore

## napule

Sì stato gioie e dolori,  
po' c'amma alluntanato,  
'a colpa è d'ò lavoro.  
O forse è sul' 'a mia,  
che nun me so' impegnato.  
Mo' faccio i sacrifici addò nun song' nato.  
Certo, me dà esperienza,  
me confronto c'a gente.  
Ma quann' veco 'o mare se sceta 'o sentimento,  
e penso 'o golfo che t'abbraccia,  
comme fa 'na mamma,  
ma i problemì tuoje chiù grandi  
te li crea chi te cummanna.  
E tu semp' chiù vuot' 'e tutti 'sti guagliuni  
che comme a mme te lassano pe' jì a cerca' furtuna.  
Ma po' quale furtuna, chella 'e te sta lontano?  
Pe' mme già è furtunato chi è napulitano.  
Popolo 'e canzoni, d'a pizza margherita,  
e vic' fatti a scala, bandiere e panni stesi,  
gente semp' allera, pronta a 'nu sorriso.  
D'ò sole tu sì 'a figlia, cu' tte nun ce vò 'o 'mbrello.  
'O sape tutto 'o munno che sì 'a città chiù bella.  
A vote penso 'o Vommero, via Roma, Mergellina.  
Me piglia 'a nustalgia, me guardo 'a cartulina.

## ‘a passione

Si fusse ‘na musica, io te sentesse semp’.  
Si fusse ‘nu strumento, io te sunasse lent’.  
Pe’ fa ‘na melodia che chiù te rappresent’,  
ma tu sì carne, sanghe, ammore,  
e comme ‘a musica pe’ mme...  
‘a chiù grande d’è passioni.

## ‘o tramonto

‘O pizzo è suggestivo  
è ‘n’angolo ‘e balcone.  
Permette ‘e guarda’ ‘o mare  
mentre scenne ‘o sole.  
Chiano chiano, lento  
Pe’ prolunga’ ‘o mumento.  
Me piglia ‘nu pensiero,  
chissà quant’altra gente  
‘e chest’ sta gudenn’.

## stradina solitaria

Fra campi 'e girasoli e cipressi in fila indiana,  
imbocco 'na stradina guardanno 'o panorama.  
L'aria è assai leggera, e 'o stesso è 'a camminata,  
in cielo doje aucielli se sfottono uno cu' 'n'ato.  
Chiù annanzi 'na funtana votta acqua cristallina,  
maj vista accussì bella, pare 'o manto 'e 'na fatina.  
Po' 'n'auciello scenne e se posa 'ngoppa 'a spalla.  
Curiuso me domanda:  
"Che fai da cheste parti?".  
Cu' 'st'aria spaesata io le rispondo  
"Niente, so' rimasto 'ncantato".

## buon viaggio

Quanno io ero piccirillo ce stive pure tu.  
Giucavamo 'o pallone,  
sfuttevamo 'e guaglione.  
Po' c'amma fatt' gruossi,  
è 'a vita c'o pretenn'.  
Campann' d'emozione  
senza essere cuntent'.  
Comme a 'nu juorno 'e sole  
coperto d'o grigiore.  
'A vita è fatta 'e tentazione,  
'e te s'è approfittato.  
Tenivi 'o core fesso  
e nun t'ha risparmiato.  
Oggi sarraje sereno,  
hai abbandunato 'a raggia.  
Te tengo dinto 'o core  
e t'auguro buon viaggio.

## l'indifferenza

L'indifferenza, che brutta parola.  
Gratuita, regalata,  
a chi pensa pe' sé e nun se cura 'e l'ati.  
Cammina 'nmiez' 'a gente,  
è là che fa 'a padrona.  
Si po' vieni colpito, staje a risico 'e muri',  
pur restann' in vita.  
Ma si uno 'nmiez' a mille  
se spenne 'nu sorriso,  
o 'na parola  
te senti in petto 'o core,  
e vuo' vivere ancora.

## sensazione

È addore d'ò café  
specie chella d'a casa  
che me sceta e ricordo  
si m'attraversa 'o naso.  
Me pare 'e te vede'  
c'a vestaglia, che scarpuni  
che giri 'o cucchiarino  
proprio là annanz' alla cucina.  
'A smorfia semp' 'o stesso,  
'nu poco 'o capo chino,  
dicevi: «'a vuo' 'na goccia? Tie', è caver' ancora».  
E me stennivi 'o braccio  
e io me scarfavi 'o core.



## l'amicizia

L'amicizia so' importanti.  
Pecciò trattala cu' 'e guanti.  
Ce sta chella cattiva,  
ma pure chella giusta.  
Si 'a giusta amicizia, distoglie a quacche vizio  
cercala sincera, altruista.  
Rispetta 'a vita soja e pure 'e punti 'e vista.  
L'amico, si nun 'o vedi, pensalo 'o stesso.  
Tra vuje ce sta 'a purezza  
Pecché nun esiste 'o sesso.  
L'amico va capito, sentuto, cumpatito,  
sul' accusì te dura tutta 'a vita.

## ‘e criature

‘O sorriso d’‘e criature  
che immensa ricchezza  
comme fanno a le fa’ male  
si è già troppo ‘na carezza.  
Pecciò quanno ‘e vedete  
che corrono, che sudano,  
baciavilli chiano,  
ponn’ piglia’ paura.

## niente

Niente a volte è meglio 'e niente.  
Si pienze ce guadagni,  
senza tanti turmienti.  
Rinunci a 'e sordi, 'o lusso, ammore  
riducenn' a poco pure 'o dolore.  
Nient, 'na parola chiena 'e vuoto.  
Che si te sai abitua', s'ì ricco senza fatica'.